



Broj: 16-12-16-6658-⁷/20
I. Sarajevo, 13.11 2020. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 25. stav (1) tač. f) i g) i člana 70. st. (1), (2), (3) i (6) Zakona o javnim nabavkama („Službeni glasnik BiH“, broj 39/14), člana 9. stav (2) Pravilnika o uslovima i načinu korištenja e-aukcije („Službeni glasnik BiH“, broj 66/16) i Izvještaja o toku i završetku e-aukcije od 09.11.2020. godine, na preporuku Komisije II za provođenje postupka nabavke za potrebe Državne agencije za istrage i zaštitu u 2020. godini broj 16-12-16-6658/20 od 12.11.2020. godine, u postupku javne nabavke računarske opreme za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača u postupku javne nabavke računarske opreme za potrebe Državne agencije za istrage i zaštitu

Član 1.

U postupku javne nabavke računarske opreme za potrebe Državne agencije za istrage i zaštitu (daljem tekstu: Agencija), putem otvorenog postupka za dostavljanje ponuda, korištenjem e-aukcije, na preporuku Komisije II za provođenje postupka nabavke za potrebe Državne agencije za istrage i zaštitu u 2020. godini broj 16-12-16-6658/20 od 12.11.2020. godine, ugovor se dodijeljuje za:

- LOT 1 - (Desktop PC sa monitorom, 65 komada, laptop, osam komada i laptop za forenziku, dva komada i monitor 25“, 12 komada), ponuđaču „Commerce Engineering“ d.o.o. Mostar, ponuda broj 16-12-16-6658-4/20 od 29.10.2020. godine, za ponudenu cijenu u iznosu od 104.520,00 KM bez uračunatog PDV-a;

- LOT 2 - (Mrežni štampač, 20 komada, prenosni štampač, 14 komada, brzi skener, pet komada, MFP, 10 komada, multi skener/fax, pet komada, Swich 8-portni, 24 komada, Gigabitni swich 8-portni, sedam komada i UPS, 15 komada), ponuđaču „Commerce Engineering“ d.o.o. Mostar, ponuda broj 16-12-16-6658-4/20 od 29.10.2020. godine, za ponudenu cijenu u iznosu od 47.240,00 KM bez uračunatog PDV-a.

Član 2.

Ova Odluka se dostavlja ponuđačima u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

Član 3.

Za izvršenje ove Odluke zadužuje se Sektor za materijalno-finansijske poslove Agencije.

Član 4.

Ova Odluka stupa na snagu danom donošenja.

O b r a z l o ž e n j e

Odlukom broj 16-12-16-6658-1/20 od 05.10.2020. godine pokrenut je otvoreni postupak javne nabavke računarske opreme za potrebe Agencije, procijenjene vrijednosti u iznosu od 146.600,00 KM bez uračunatog PDV-a, za koji je obavještenje o javnoj nabavci broj 1161-1-1-1-222-3-39/20 od 09.10.2020. godine objavljeno na Portalu javnih nabavki i u „Službenom glasniku BiH“, broj 65/20“. Novčana sredstva za realizaciju navedene nabavke obezbijedena su u okviru budžetskih sredstava za 2020. godinu, a na osnovu Zakona o budžetu institucija Bosne i Hercegovine i međunarodnih obaveza Bosne i Hercegovine za 2020. godinu („Službeni glasnik BiH“, broj 46/20). Za navedeni postupak javne nabavke predviđena je e-aukcija, u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik). Predmet javne nabavke podjeljen je na lotove:

- LOT 1 - (Desktop PC sa monitorom, 65 komada, laptop, osam komada i laptop za forenziku, dva komada i monitor 25“, 12 komada), procijenjene vrijednosti u iznosu od 99.300,00 KM bez uračunatog PDV-a;

- LOT 2 - (Mrežni štampač, 20 komada, prenosni štampač, 14 komada, brzi skener, pet komada, MFP, 10 komada, multi skener/fax, pet komada, Swich 8-portni, 24 komada, Gigabitni swich 8-portni, sedam komada i UPS, 15 komada), procijenjene vrijednosti u iznosu od 47.300,00 KM bez uračunatog PDV-a.

Obzirom da je tačkom 24. Tenderske dokumentacije navedeno da je rok za dostavljanje ponuda 29.10.2020. godine do 12,00 sati, te da se ponude dostavljaju u zatvorenoj koverti, Komisija je dana 29.10.2020. godine u 13,00 sati izvršila javno otvaranje ponuda prema datumu i vremenu prijema, numerišući kovertu. Javnom otvaranju ponuda prisustvovao je ovlaštenu predstavnik ponuđača „Commerce Engineering“ d.o.o. Mostar.

Blagovremeno su dostavljene ukupno dvije ponude i to:

R/B	Naziv/ime ponuđača	LOT	Ponuđena cijena (bez PDV-a) u KM
1.	„Commerce Engineering“ d.o.o. Mostar	LOT 1	105.165,00 KM
		LOT 2	47.240,00 KM
2.	„Uma Muller Group“ d.o.o. Sarajevo	LOT 1	105.698,50 KM
		LOT 2	47.298,50 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Komisija je dalje nastavila sa pregledanjem dokumentacije priložene uz ponude, u cilju ocjenjivanja ponuda ponuđača, te njihove kvalifikovanosti shodno uslovima navedenim u Tenderskoj dokumentaciji.

Komisija je utvrdila da ponuđači „Commerce Engineering“ d.o.o. Mostar (LOT 1 i LOT 2) i „Uma Muller Group“ d.o.o. Sarajevo (LOT 1 i LOT 2), ispunjavaju kvalifikacione uslove u pogledu njihove lične sposobnosti, sposobnosti obavljanja profesionalne djelatnosti i ekonomske i finansijske sposobnosti, kao i formalno-pravne uslove iz Tenderske dokumentacije. Komisija je utvrdila da ponude ponuđači „Commerce Engineering“ d.o.o. Mostar (LOT 1 i LOT 2) i „Uma Muller Group“ d.o.o. Sarajevo (LOT 1 i LOT 2), ne podliježu primjeni preferencijalnog tretmana domaćeg.

Komisija je od Sektora za operativnu podršku Odsjeka za informatiku, komunikacije i sigurnost informatičkih sistema aktom broj 16-12-16-6658/20 od 02.11.2020. godine, tražila da na osnovu uvida u pristigle ponude ponuđača „Commerce Engineering” d.o.o. Mostar (LOT 1 i LOT 2) i „Uma Muller Group“ d.o.o. Sarajevo (LOT 1 i LOT 2), dostave stručno mišljenje u pogledu ocjene tehničkih uslova postavljenih u tački 13.3. Tenderske dokumentacije (Tehnička i profesionalna sposobnost iz člana 49. Zakona). Sektor za operativnu podršku Odsjek za informatiku, komunikacije i sigurnost informatičkih sistema je aktom broj 16-10-16-6658/20 od 04.11.2020. godine, dostavio stručno mišljenje, u kojem je navedeno da ponude ponuđača „Commerce Engineering” d.o.o. Mostar (LOT 1 i LOT 2) i „Uma Muller Group“ d.o.o. Sarajevo (LOT 1 i LOT 2), ispunjavaju tehničke uslove propisane tačkom 13.3. Tenderske dokumentacije.

Obzirom da je Tenderskom dokumentacijom za postupak javne nabavke računarske opreme za potrebe Agencije predviđeno provođenje e-aukcije u skladu sa Pravilnikom, da su i za LOT 1 i LOT 2 zaprimljene po dvije prihvatljive ponude, Komisija je zakazala e-aukciju za 09.11.2020. godine i to za LOT 1 u 10,30 sati u trajanju od 20 minuta i za LOT 2 u 11,00 sati u trajanju od 20 minuta.

Prema Izvještaju o toku i završetku e-aukcije od 09.11.2020. godine, Komisija je sačinila konačnu rang listu ponuđača koji su učestvovali u postupku e-aukcije za LOT 1, kako slijedi:

R/B	Naziv ponuđača	Vrijednost ponude (bez PDV-a)	Rang
1.	„Commerce Engineering” d.o.o. Mostar	104.520,00 KM	1
2.	„Uma Muller Group“ d.o.o. Sarajevo	104.635,00 KM	2

Prema Izvještaju o toku i završetku e-aukcije od 09.11.2020. godine, Komisija je sačinila konačnu rang listu ponuđača koji su učestvovali u postupku e-aukcije za LOT 2, kako slijedi:

R/B	Naziv ponuđača	Vrijednost ponude (bez PDV-a)	Rang
1.	„Commerce Engineering” d.o.o. Mostar	47.240,00 KM	1
2.	„Uma Muller Group“ d.o.o. Sarajevo	47,298,50 KM	2

Prema Izvještajima o toku i završetku e-aukcije od 09.11.2020. godine za LOT 1 i LOT 2, Komisija je utvrdila da je za LOT 1 bilo snižavanje cijena ponuda kao kriterij za dodjelu ugovora, dok za LOT 2 nije bilo snižavanje cijena ponuda kao kriterij za dodjelu ugovora u rasponu od 0,1% do 10% najniže početne cijene svih ponuda u skladu sa članom 8. Pravilnika.

Nakon provedenog postupka ocjenjivanja dostavljenih ponuda, Komisija je utvrdila da ponuda ponuđača „Commerce Engineering” d.o.o. Mostar za LOT 1 u iznosu od 104.520,00 KM bez uračunatog PDV-a premašuje procijenjenu vrijednost javne nabavke za 5.220,00 KM bez uračunatog PDV-a (procijenjena vrijednost javne nabavke iznosi 99.300,00 KM bez uračunatog PDV-a). Komisija je od Sektora za materijalno-finansijske poslove aktom broj 16-12-16-6658/20 od 10.11.2020. godine tražila mišljenje po pitanju prekoračenja procijenjene vrijednosti javne nabavke za LOT 1. Sektor za materijalno-finansijske poslove aktom od 11.11.2020. godine, dostavio je mišljenje u kojem je navedeno da je moguće obezbijediti dodatna finansijska sredstava iz budžeta Agencije za predmetnu javnu nabavku, uvažavajući prethodno mišljenje Sektora za operativnu podršku Odsjeka za informatiku, komunikacije i sigurnost informatičkih sistema, da su jedinične cijene u Obrascu za cijenu ponude ponuđača „Commerce Engineering” d.o.o. Mostar za LOT 1 realne i u skladu sa trenutnim cijenama na tržištu.

Cijeneci mišljenja Sektora za operativnu podršku Odsjeka za informatiku, komunikacije i sigurnost informatičkih sistema i Sektora za materijalno-finansijske poslove, Komisija je utvrdila su ponude ponuđača „Commerce Engineering” d.o.o. Mostar najpovoljnije ponude za LOT 1 i LOT 2, te da iste ne podliježu primjeni preferencijalnog tretmana domaćeg.

Imajući u vidu navedeno, prihvaćena je preporuka iz Izvještaja o radu Komisije i odlučeno da se ugovor u postupku javne nabavke računarske opreme za potrebe Agencije dodijeli ponuđaču „Commerce Engineering” d.o.o. Mostar, kako je navedeno u članu 1. ove odluke.

Pouka o pravnom lijeku: Protiv ove Odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 2x;
- Sektoru za mat.-fin. poslove;
- a/a.

DIREKTOR
GLAVNI GENERALNI INSPEKTOR POLICIJE

Darko Čulum

